

Lagerlieder

Lolipop

Hocksch in dr Schuel am vorderschte Platz
z'hinderscht in de Reihe hockt die Schatz
de wotsch em no ne Briefli geh
doch leider hets dr Lehrer gseh
er chunnt zu dir risst di a de Hoor
und frogt di denn, was goht do vor?

Doch de fosch a singe: Lolipop, Lolipop, oh Loli Loli Loli, Lolipop, Lolipop oh Loli, Loli, Loli, Lolipop...

Mitte in dr Nacht verwachscho ganz schnell
denn i dim Zimmer wird's plötzlich ganz hell
do schoht e Chnochegrüsch a dim Bett
eins wo ne wisses Lintuech a het
es chunnt immer nöcher wott di packen am Arm
de wetsch afo schreie, swird dr chalt und warm

Doch de fosch a singe: Lolipop, Lolipop, oh Loli Loli Loli, Lolipop, Lolipop oh Loli, Loli, Loli, Lolipop...

Hütt stosch s'erschi mol uf dr Schi
doch nach fufzig Meter isches scho verbi
mitte uf dr Pische schoht ei Baum
de fahrsch dört dri und us isch dr Traum
d'Schi sind kaputt und Stöck sind entzwei
dir fohts afo stinke giengsch am liebschte wieder hei,

Doch de fosch a singe: Lolipop, Lolipop, oh Loli Loli Loli, Lolipop, Lolipop oh Loli, Loli, Loli, Lolipop...

Gitarre: C / F ref. C / am / dm / C

Refrain nach dem Lied „Lolipop“.

Lagerballade

Aa aa aaa aaa 2x

De Rucksack packt und d'Schue agschnallt
es goht nümm lang es chunnt scho bald,
dass mir zämme in e Lager göhn. Lager göhn,
Mir fahre mit der SBB
dur Wald und Wiese chasch uns gseh
mir chönnes chum erwarte bis mir vor em Hüsli stöhn

Ref: Aa aa aaa aa a...

Ins Zimmer gohts mir packen us
und renne denn drus ganze Hus
es sagen alli do ischs wunderbar, wunderbar.
Mir schwäze zobe lang und viel
und geg die Zwei wird's endlich still
am Morge sind mir alli müed sisch klar, das isch klar
Oo oo ooo oo o ...

Jä mir wänd au go wandere
vo eim Bergspitz zum andere
bis alli schrecklich uf de Schnure sind, Schnure sind
Deheime lütet Glocke bald
pressiere heissts swird s'Esse chalt
denn Hunger het hüt sicher jedes Chind, jedes Chind
Ee ee eee ee e ...

Zwei Wuche die sind schnell verbi
es isch e schöni Zyt do gsi
mir dänke leider scho ans heime goh, heime goh.
Dr Rucksack packt und d'Schue agschnallt
es goht nümm lang es chunnt scho bald,
denn s'nächtschi Lager das chunnt sowieso, sowieso
Uu uu uuu uu u

Gitarre: em / D

Nach dem Lied „Lady in black“ von Uriah Heep.

Bilder und Namenslisten der Lager sind auf <http://www.tinokeller.ch> zu finden